

靈寶領教濟度金書卷之一百四十二

洞微高士開光救苦真人竊念其技靈寶通玄弘教水南先生林靈真編

科儀立成品祈禳通用

起鎮真文儀

東方九炁天君

東方真文請師起鎮

師執真文香上熏

具法位 且其謹重誠上啓

東方青靈九炁天君東鄉神仙諸靈官以今

奉為其夙宵行道安鎮東方仰荷慈光俯垂

鑒映法筵告罷齋福圖成恭起真文載揚妙

化伏願東方青靈童子明承符命徑詣東方

太陽日宮木德歲星角亢房心尾箕七宿

星君青龍東斗甲乙寅卯少陽之炁九夷老

君太皞勾芒春王正神民宮八白震宮三綠

太歲方隅陰陽眾神東嶽泰山一切神明今

為修齋弟子其解除無始以來所犯罪咎消

中央土炁之災錫以康寧延其年壽一如東

方元始自然玉文舊典律令火急奉行

焚真文

元始勅下五老監明濟度群品瞬息無停

今日大慶欣喜蒙恩諸天歡悅起鎮真文

和起鎮東方

南方三炁天君

南方真文請師起鎮

具位 且其謹重誠上啓

南方丹靈三炁天君南鄉神仙諸靈官以今

奉為其夙宵行道安鎮南方仰荷慈光俯垂

鑒映法筵告罷齋福圖成恭起真文載揚妙

化伏願南方丹靈童子明承符命徑詣南方

火德熒惑星君井鬼柳星張翼軫七宿星君

朱雀南斗丙丁巳午太陽之炁八蠻君炎帝

祝融夏王正神巽宮四碧離宮九紫太歲方

隅陰陽眾神南嶽衡山一切神明為修齋弟

子其解除無始以來所犯罪咎消西方金炁

之災錫以康寧延其年壽一如南方元始自

然玉文舊典律令火急奉行

焚真文

元始勅下五老監明濟度群品瞬息無停

今日大慶欣喜蒙恩諸天歡悅起鎮真文

和起鎮南方

西方七炁天君

西方真文請師起鎮

具位 且其謹重誠上啓

西方皓靈七炁天君西鄉神仙諸靈官以今

奉為其夙宵行道安鎮西方仰荷慈光俯垂

鑒映法筵告罷齋福圖成恭起真文載揚妙

化伏願西方皓靈童子明承符命徑詣西方

金德太白星君奎婁胃卯畢箕參七宿星君

白虎西斗庚辛申酉少陰之炁七戎老君少

皞尊收秋王正神坤宮二黑兗宮七赤太歲

方隅陰陽神眾西嶽華山一切神明為齋主

其解除無始以來所犯罪咎消東方木炁之

災錫以康寧延其年壽一如西方元始自然

玉文舊典律令火急奉行

焚真文

元始勅下五老監明濟度群品瞬息無停

今日大慶欣喜蒙恩諸天歡悅起鎮真文

和起鎮西方

北方五炁天君

北方真文請師起鎮

具位臣某謹重誠上啓

北方玄靈五炁天君北鄉神仙諸靈官以今奉為某夙宵行道安鎮北方仰荷慈光俯垂鑒映法筵告罷齋福圓成恭起真文載揚妙化伏願北方玄靈童子明承符命徑詣北方水德辰門星君斗牛女虛危室壁七宿星君玄武北斗壬癸亥子太陰之炁六狄老君顯項玄冥冬王正神乾宮大白坎宮一白太歲方陽陰陽眾神北嶽恒山一切神明為齋主恭解除無始以來所犯罪咎消南方火炁之災錫以康寧延其年壽一如北方元始自然玉文舊典律令火急奉行

焚真文

元始勅下五老監明濟度羣品瞬息無停

今日大慶欣喜蒙恩諸天歡悅起鎮真文

和起鎮北方

中央一炁天君

中央真文請師起鎮

具位臣某謹重誠上啓

中央元靈一炁天君中鄉神仙諸靈官以今奉為某夙宵行道安鎮中央仰荷慈光俯垂鑒映法筵告罷齋福圓成恭起真文載揚妙化伏願中央元靈童子明承符命徑詣中央土德鎮星真君魁魁魁魁魁魁七宿星君勾陳騰蛇戊己辰戌丑未之炁三泰老君黃帝后土土王正神太歲方陽陰陽主宰中嶽嵩山一切神明為齋主恭解除無始以來所犯罪咎消北方水炁之災錫以康寧延其年壽一如中央元始自然玉文舊典律令火急奉行

焚真文

元始勅下五老監明濟度羣品瞬息無停

今日大慶欣喜蒙恩諸天歡悅起鎮真文

和起鎮中央

宣呪

元始上天三光高明回景照耀四炁朗清

運度聽衝激陽流星五界錯越三統失寧

五斗總辰七宿明靈真君大魁厥諱玉精

夫人皇妃字曰育嬰總御玄關回轉諸天

今日客災玄告不祥請以真文赤書上呈散髮訟愆披露丹誠惟垂玄鑒回復天經炁不橫越災不橫生焚燒靈文散煙玉京上景監度普告萬靈炁消三關災滅九冥陰陽調和國土太平謹以金龍風馳驛程向來宣演赤書消災玉文功德周圓伏願靈光返照祖炁回靈天錫蕃釐輅神風而鼓舞帝資純嘏施法雨以涵濡稽首皈依無極大道

出天門送師

具位臣某謹重誠上啓

三師真人伏以五靈安鎮幸釐事之慶成萬聖戒嚴仰濟功之妙密重繇提契軌聲載術雲歛清冥莫挽瓊輪之駐月籠黃混惟期瑤輦之旋法眾運誠修齋奉送

修齋頌

靈寶領教濟度金書卷之一百四十二